

Broj: 02-19-1-1570/21-33
Sarajevo, 09.01.2023. godine

U skladu sa čl. 69. stav 1. tačka b) i člana 70. stav (4) Zakona o javnim nabavkama BiH («Sl. glasnik BiH» broj: 39/14) i preporukom Komisije za nabavke broj: 02-19-1-1570/21-32 od 09.01.2023. godine, Federalno ministarstvo prostornog uređenja, d o n o s i:

ODLUKU

o poništenju postupka javne nabavke usluga:
„Priprema i izrada Regulacionog plana Historijskog urbanog krajolika Mostar“

Član 1.

Poništava se otvoreni postupak izbora najpovoljnijeg ponuđača za javnu nabavku usluga - „Priprema i izrada Regulacionog plana Historijskog urbanog krajolika Mostar“, pokrenut Odlukom Federalnog ministarstva prostornog uređenja broj: 02-19-1-1570/21-13 od 28.07.2022. godine, po Obavještenju o nabavci broj: 1290-1-2-25-3-14/22, objavljenom na Portalu javnih nabavki 03.06.2022. godine.

Član 2.

Odluka stupa na snagu danom donošenja.

OBRAZLOŽENJE

Komisija za javne nabavke je postupajući u skladu sa Rješenjem broj: 05-19-1-1570/21-14 od 24.10.2022. godine, pripremila Tender dokumentaciju nakon čega je na Portalu javnih nabavki objavljeno obavještenje o nabavci broj: 1290-1-2-25-3-14/22 od 08.11.2022. godine.

Po obavještenju o nabavci, na adresu ovog Ministarstva dostavljene su tri ponude. Ponuđač „Architecture & Road Design“ d.o.o. Metković, u zakonskom roku, izjavio je žalbu na tender dokumentaciju „Priprema i izrada Regulacionog plana Historijskog urbanog krajolika Mostar“.

U skladu sa članom 100. stav (5) i članom 94. Stav (3) Zakona o javnim nabavkama („Službeni glasnik BiH“, broj 39/14), Federalno ministarstvo prostornog uređenja, u zakonskom roku, dostavilo je, Uredu za razmatranje žalbi, izjašnjenje o žalbi.

Ured za razmatranje žalbi nije prihvatio izjašnjenje Federalnog ministarstva prostornog uređenja, odnosno usvojio je žalbu ponuđača „Architecture & Road Design“ d.o.o. Metković i poništio Tendersku dokumentaciju predmetnog postupka javne nabavke, zajedno sa obavještenjem o nabavci broj: 1290-1-2-25-3-14/22 od 08.11.2022. godine.


Na osnovu konačnosti Rješenja Ureda za razmatranje žalbi i činjenice da, istekom 2022. Budžetske godine i ne usvajanjem Budžeta za 2023. godinu, nije moguće voditi dalje aktivnosti oko „Pripreme i izrade Regulacionog plana Historijskog urbanog krajolika Mostar“, Komisija za javne nabavke je, u skladu sa čl. 69. stav 1. tačka b) i članom 70. stav (4), Zakona o javnim nabavkama, u vezi sa članom 100. stav 3. Zakona o javnim nabavkama BiH («Sl. glasnik BiH» broj: 39/14), predložila Federalnom ministru prostornog uređenja da se Odlukom poništi predmetni postupak javne nabavke.

Imajući u vidu gore izneseno, odlučeno je kao u dispozitivu rješenja.

Pouka o pravnom lijeku: Svaki ponuđač koji smatra da je Ugovorni organ ovim aktom prekršio jednu ili više odredbi ZJN BiH i/ili podzakonskih akata, ima pravo uložiti žalbu.

Žalba se, putem Ugovornog organa, izjavljuje Uredu za razmatranje žalbi Bosne i Hercegovine u roku od 10 dana od dana prijema ovog akta.

MINISTAR



Josip Martić

Dostaviti:

- ① Ponuđačima
2. Evidenciji
3. A/a